

Ineqarnermut, Attaveqarnermut Angallanermullu Naalakkersuisoq  
Medlem af Naalakkersuisut for Boliger, Infrastruktur og Trafik

Naalakkersuisut Siulittaasuata tullia  
Viceformand af Naalakkersuisut

Inatsisartuni ilaasortaq Jane Petersen, Inuit Ataqatigiit  
-/Maani

**Pineqartoq: Namminersornerullutik Oqartussat nalunaarutaat nr. 15, 5. juli  
2007-imeersoq pillugu § 36 naapertorlugu apeqquteqaat**

Iluliassanut sanaartugassanullu neqeroortitsisarneq pillugu Namminersornerullutik  
Oqartussat nalunaarutaat nr. 15, 5. juli 2007-imeersoq (neqeroortitsisarnermut  
nalunaarut), tamatumunngalu atatillugu ilinniartoqartarneq pillugu apeqquteqaatit  
pillugu qutsavigissavakkitt. Tamanna tunngavigalugu imatut akissuteqassaanga:

**1 pillugu) Ilinniartut suliffimmilu misiliisut ilinniarfissarsinikuusimasullu  
nalunaarut tunngavigalugu naatsorsorneqarsinnaanerannut  
nalunaarsukkamik takussutissaasumik peqalernissaanut naalakkersuisut  
piumassuseqarpat?**

*Nalunaarusiortarnermut apeqqutigisannut tunngatillugu Naalakkersuisut  
suliassaqrarfiup ineriartornera malinnaaffigigaat, aammalu ingerlaavartumik  
malinnaaffiginiaaraat nalunaarutigisinnaavara. Taamatuttaaq Kultureqarnermut,  
Ilinniartitaanermut, Ilisimatusarnermut Ilageeqarnermullu Aqutsisoqarfimmiit (KIIIA)  
ilinniagaqartunut suliffimmilu misiliisunut pissutsit maanna atuuttut  
nassuiaatigineqarsinnaapput.*

*Kisiannili nalunaarusiornissaq pisariaqartinneqartoq paasineqarpat,  
Naalakkersuisut nalunaarusiornissamut soorunami piareersimammata  
oqaatigissavara.*

**2 pillugu) Suliffeqarfiit sulisussanngortitat ilinniartoqarsinnaanissaminnik  
piumasaqaataat naammassineqarsimangippat nalunaarut malillugu  
ingerlaavartumik nakkutiginnittoqartarnissaanik isuma naalakkersuisut  
tapersorsorpaat?**

*Suliffeqarfiit ilinniartunik atorfinitsitsisarnissaannik neqeroortitsisarnermut  
nalunaarummi piumasaqaatinik malinninngitsut Piareersarfinniit ilinniartunik  
ilinniarfissaqanngitsunik pissarsinissaq ajornartoq pillugu uppersaammik  
takutitsisinnaanngikkunik suliassanik tunineqartassanngillat. Tamannali  
maannarpiaq sanaartornerup iluani misigineqarneq ajorpoq.*

23. september 2009  
Sags nr.  
2009-020398  
Dok.nr. 227074

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl

*Tamatuma peqatigisaanik suliffeqarfik sanaartornerup nalaani ilinniartunik atorfinitsisinissamut piumasaqaammik malinnissimangitsoq paasineqarpat, tamanna isumaqatigiisummik unioqqutitsinertut isigineqartartoq oqaatigineqassaaq. Isumaqatigiisummik unioqqutitsineq tamatuma kingorna isumaqatigiissusiortarnermut maleruagassat nalinginnaasut naapertorlugit suliarineqassaaq.*

*Tamatuma saniatigut Namminersorlutik Oqartussat Sanaartornermut Immikkoortortaqarfiata misissueriaatsimik, siunnersuisut nakkutilliinermik isumagisaqartut sanaartorneq pillugu ataatsimiinnerni sanaartornermi sulianik misissuisarnissaannik ukiumut 2009-mut anguniagaqarnerat pillugu akissuteqaatiga 31. august 2009-meersoq innersuussutigissavara. Sanaartorneq pillugu ataatsimiinnerni imaqarniliat Namminersorlutik Oqartussat Sanaartornermut Immikkoortortaqarfiannut ilisimatitsissutitut nassiunneqartassapput, tamatumalu nassatarisaanik Naalakkersuisut pisariaqartinneqartumik misissuisinnaassapput.*

**3 pillugu) Suliffeqarfiit ilinniartoqarnissamut pisussaaftimmik naammassinninngitsut pillarneqarsinnaannginnerat allanngortissallugu naalakkersuisut piumassuseqarpat?**

*Apeqquut 2-mut, isumaqatigiissutinik uniuisarnermut tunngasumut akissuteqaatiga innersuussutigissavara. Suliffeqarfik ilinniartoqarnissamut piumasaqaammik naammassinnissimangitsoq nalinginnaasumik taarsiisussanngortillugu pineqaatissinneqarnissaanik aallartitsisoqarsinnaavoq. Tamatuma saniatigut isumaqatigiissusiortarnermut maleruagassat nalinginnaasut innersuussutigissavakka.*

*Taamatuttaaq nalunaarummi neqerooruteqartumut pineqaatissiisinnaaneq periarfissaqarmat nalunaarutigisinnaavara, nalunaarut naapertorlugu neqerooruteqartup ilaatigut nalunaarummi § 12 (ilinniartunik atorfinitsisinissamut piumasaqaat) naammassinnigippagu, Namminersornerullutik Oqartussat sanaartugassanut nersiorsuutaat, utertitassaat, taarsigassarsiarititassaat qularnaveeqqusiisutaallu atorunnaarsinneqassanersut Naalakkersuisut aalajangersinnaammassuk.*

**4 pillugu) Nalunaarummi 9 mio. koruunit nalinganut sanaartortoqassappat ilinnartoqarsinnaanera piumasaqaataavoq. Sanaartugassat 12 mio. koruuninik sinneqartunut ilinniartoqarnissamik piumasaqaataanngippata naalakkersuisullu tassunga isumaliuteqanngippata taava praktikkerfissaaleqisarnermut allamik aaqqiisummik naalakkersuisut suliniuteqarpat?**

*Naalakkersuisut ineriartorneq malinnaaffigaat, aammalu suliniutinik nutaanik aallartitsinissamik pisariaqartitsineq ingerlaavartumik naliliiffigisarlugu. Aammattaaq apeqquut 1-imut akissuteqaatiga innersuussutigissavara.*

*Tamatuma peqatigisaanik oqaatigisinnaavara, periarfissanik allanik neqeroorteqarsinnaaneq eqqarsaatigalugu qanoq pisoqarsinnaanerani allaffeqarfimma KIIIA apequteqarfigisimammagu. KIIIA tamatumunnga akissuteqarnermini oqarpoq, ullumikkut ilinniarfinni sulilluni misiliisarnerit suliffimmik misiliiffissaqannginnermi atorneqartartut. Inuili, Sanaartornermik Ilinniarfik aamma Saviminilerinermik Ilinniarfik ilinniarfimminni misiliiffissanik inissaqartitsipput. Ilinniarfiit allat ilinniarfinni misiliiffissanik pisariaqartitsillutik nalunaaruteqartillugit, ilinniarfinni sulilluni misiliiffissanik pilersitsisinnaanermik periarfissaqartitsisoqareerpoq.*

*Aamma KIIIA-miit ilisimatitsissutigineqarpoq, ukiumi aningaasaliiffiusumi matumani ilinniarfinni sulilluni misiliinissamat 7 mio. koruuninik aningaasaliisoqarsimasoq, tak. kontot pingaarnerit:: 40.01.08. – 15.*

**5 pillugu) Sanaartornermi ilinniagaqartut periarfissaasa aammalu praktikkerfissaaleqisarnermut atatillugu sanaartornerup iluani ilinniagaqarnerup aaqqissuussaana Ineqarnermut Attaveqarnermut Angallanermulli naalackersuisoqarfimmiikkunnaarluni Kultureqarnermut, Ilinniartitaanermut Ilisimatusarnermut Ilageeqarnermullu Naalackersuisoqarfiup ataaniilernissaa qanoq isumaqarfigaat?**

*Ilinniartitaaneq Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfimmit isumagineqarpoq, taakkunungattaarlu sanaartornermi ilinniartitaanerit ilaatinneqarput. Kisianni sanaartornermi ilinniartoqarnissamat inatsisit neqeroortitsisarnermut nalunaarummut, naalackersuinikkut Ineqarnermut, Attaveqarnermut Angallanermullu Naalackersuisoqarfimmi inissisimasumut ilanngunneqarsimapput.*

*Naalackersuisoqarfiup suliassaqarfiup iluani ineriartorneq malinnaaffigaat, aammalu sanaartornermi ilinniartut pillugit inatsisip Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfimmit isumagineqalersinnaanissaa tunuarsimaarfiginagu.*

**6 pillugu) Namminersorlutik Oqartussat ataanni illussanik neqeroortitsisarneq pillgu nalunaarummi nunaqavissut namminersortut qanoq nalunaarut malillugu periarfissaqarpat?**

*Suliffeqarfiit suliassanik/suliakkiissutinik tigusissagunik Kalaallit Nunaanni inuussutissarsiutit nalunaarsorsimaffiannut (GER) nalunaarsorneqarsimasussaapput. Neqeroortitsisarnermut nalunaarut naapertorlugu kikkulluunniit tamanut ammasumik neqeroortitsinermut peqataasinnaapput, tak. § 6, imm. 2.*

**7 pillugu) Illussanik neqeroortitsisarneq pillugu nalunaarut malillugu nunaqavissut namminersortut qassit suliaqarsimappat?**

*Suliffeqarfiit Kalaallit Nunaanni inuussutissarsiutit nalunaarsorsimaffiannut nalunaarsorneqarsimasut kisimik nalunaarut naapertorlugu suliassanik tunineqarsinnaapput.*

**8 pillugu) §6 innersuussutigalugu suliassat tamakkerlugit tamanut ammasumik neqeroortitsineq tunngavigalugu nunaqavissut qassit suliassamik tigusinikuuppat? Taakkulu qassinik ilinniartoqarpat?**

*Namminersorlutik Oqartussat sanaartugassaataasa tamanut ammasumik suliariumannittussarsiuunneqarnerini suliffeqarfiit GER-imut nalunaarsorsimasut kisimik suliassanik tunineqarsinnaapput, aamma tak. apeqqu 7-imut akissuteqaatiga. Nalunngisakka malillugit suliffeqarfiit nunanit allaneersut sanaartugassanik, neqeroortitsisarnermut nalunaarummi ilaatinneqartunik tunineqarsimangillat.*

*Suliffeqarfiit suliassanik tunineqarsimasut suliffinnik misiliisunik qanoq amerlatigisunik atorfeqartitaqarnermut pillugit ataatsimoortumik nalunaarsuiffeqanngilaq.*

Inussiarnersumik inuulluaqqusillunga

Jens B. Frederiksen